

山西通志卷第一百四十三

山西巡撫都察院右副都御史

修輯

孝義三

大同府

北魏

封萬護代人敕文之長子也敕文卒萬護當襲天水公一爵
於弟翰于時讓者唯萬護及元氏侯趙辟惡子元伯一讓其
弟次興朝廷義而許之

長孫慮代人母飲酒父真呵叱之誤以杖擊致死真處重坐
慮列辭尚書云父母忿爭本無餘惡直以謬誤一朝橫禍
今母喪未殯父命旦夕慮兄弟五人並冲幼慮身居長今

年五十有一女弟向始四歲更相鞠養不能保全父若就
刑交墮溝壑乞以身代老父命使嬰弱衆孤得蒙存立尚
書奏云慮於父爲孝子於弟爲仁兄尋情究狀特可矜感
孝文帝詔特恕其父死從遠流

北周

王德代人父喪家貧賣男公奴並一女以營葬事歷位車騎
大將軍從周文累有戰功歷河涇二州刺史爵河間郡公

金

孟興雲內州人明昌三年四月戊午詔賜雲內孝子孟興絹
十匹粟二十石

元

貞進大德中地震居民死傷無算且艱食進乃死子棺傷子

藥饑者計口給粟冬則寒者衣之又市郭卜地爲義塚里中賴以活者甚衆

表性孝祖衰老父吉家貧莫能供菽水杞載乃翁送山中歸投杞於薪表取而懸之吉詰曰兒誤矣懸此何施表泣對曰預爲阿翁具吉聞之俛首表知父悔悟乃引杞循故徑載翁以還至今杞跡所歷處草皆偃

明

謝定柱廣昌人性孝方十二歲母周抱弟尋牛爲虎啣去定柱揚鞭逐之得脫負弟扶母而行虎復追嚙母頸逐如前甫行數步虎又嚙母右足舉石奮擊虎乃去永樂間工部侍郎霍方以事聞召見慰嘉其孝勇賜鈔旌門

沈文義事親孝父病走恒嶽祈代病尋愈壽至八十有六讀

書好義置學田五十畝助族中婚喪資商文恪爲著傳
焦鑑大同府諸生侍父不離左右家貧勉致甘鮮父卒哀毀
柴立匍匐墓側悲號不徹所親以減生非孝勸之鑑曰父
亡何歸卽從父於九原固無憾廬墓三年足不入城咸化
六年奉詔旌

楊茂楊瑞胥大同人成化以孝旌

王經應州廩生事繼母汪以孝聞母卒廬墓成化間旌表
王誠渾源人官任邱縣丞父卒廬墓烏兔馴聚成化間旌表

按州志作
慶都丞

張瑞大同人母卒廬墓父振止之父卒遂廬墓側插部而饒

堅守不去事聞旌表父由舉人官邳州牧瑞亦以貢金
縣有惠政

楊清澄雲內人週歲父卒母邵氏藉縫紉哺兒澄五歲向母索父母泣三爾父在在安得貧苦至此携之墓所澄竟日呱呱泣不絕長力養母母病割股爲羹食之旋愈

盧鉞大同人三歲失母父達不再娶以托寡嫂楊氏遂雲遊鉞八歲忽哭痛曰母則亡矣寧無父乎楊告之故正德間鉞由監生授河南左長史棄官尋父誓不得父不歸數載至平涼泣禱于神依夢往翠屏山遇老人楊譽如夢所見則其父奕友也父歿已久鉞易棺函骨見有棋子爲殉宛然不朽會兵圍平涼鉞獨守柩不離賊曰此中有孝子害之不祥遂解圍去事聞賜達爲義夫贈承德郎鉞爲孝子封亞中大夫旌門

溫鉞大同人父景清有膽力嘉靖三年鎮兵殺巡撫張文錦

其後巡撫蔡天祐令景清密捕首惡戮數人其黨恨之十三年殺總兵李瑾因遍索景清深匿不出遂執鉞及其母王氏令言所在鉞曰爾欲殺我父而使我言是我殺父也如讐不可解則殺我舒憤足也賊不聽逼母使言母大罵不輟賊怒支解以怵鉞鉞大哭且罵并被殺事平母子竝獲旌

喬景華山陰人嘉靖間扶母避寇其父稍後見執華復奔救翼之右臂受刃更易左臂父子仆地寇感其孝而去

李雲鳳靈邱人嘉靖間兵防乏餉鳳以布衣持數百金走大同犒軍事聞旌表

趙榮貴大同人事嫠母張跬步不離母疾刲股進之終不起哀毀廬墓成疾而卒

陸應祥大同人六世同居人無間言

李滿大同人力田好周濟子承弼承式胥取科第

朱充燿字淑川大同人幼孤哀毀如成人事母克孝母卒廬墓三載

王琳字獻雍大同貢生有學行事繼母撫幼弟以孝友稱賑饑掩骼人多其高義

麻登雲右衛人父剛患寒疾醫曰糞甜則愈嘗之覺苦哭赴城隍祠祈以身代父思肉食割股進之疾遂愈

朱鼎瀆奉國將軍父病嘗糞祈代比卒竭力治喪葬日雪甚仰天哀禱忽得晴霽事母亦孝詔賜四品服金千兩

武彥爵大同人冠帶總旗母疾呼天求代尋疾愈比卒哀毀廬墓三年

王汝濂懷仁進士年五十例得銓用以母在托疾歸養母卒旦夕跪哭隆冬忘寒以霍勝疾終

曹得懷仁人由燕山左護衛總旗從平內難勇銳前奮以一當百累陞中軍都督同知守德州御下不苛

王志仁懷仁人有孝行父母不睦竭力調持母疾左右嘗藥比卒哀戚三年父性甚嚴而特憐其孝云

王憲武山陰貢生好義樂善嘗返外家裝資却從兄絕產全難婦贖人妻子家屏位至宰輔

梁祥山陰人多善行修葺孔廟及城隍諸祠胥捐已貲人服其義子睿令上猶

張錦山陰人妻死義不再娶有司旌其門

成以簡字可臨別號居吾其先文水人徙居山陰至中丞祥

符祥符子三長以蒙孝廉次以愚諸生季卽以簡也幼喪母撫于繼母周年十六食餼父卒以蒙繼亡以簡事繼母發嫂盡誠敬撫兄遺孤成人好客喜施予急人患難里中豪猾侮善良力爭之雖剝折不回卒年四十六王濬初爲作傳

馬璧山陰人四世同居父卒廬墓事繼母以孝聞旌表唐鑑應州人官都指揮母疾割股療之

田盛應州諸生拾還清金三百兩人以爲難子二胥登科孫震渾源人性孝父病祈天求代母病割股以進皆獲愈震孫逢吉官至布政

石龜渾源諸生父彥芳歿哀毀廬墓會大雨山漲木石漂沉伏墓號泣水將及墓忽分爲兩從旁潰出事聞旌表

董莒廣靈諸生父宗顯令寇縣父卒哀毀骨立散財與弟事繼母如所生以孝友著由貢生官壽州判

趙昌齡廣靈人母卒膚墓三年由貢生令封邱柘城二邑廉能有聲

吳成紀廣昌人家貧篤孝親歿穴土廬墓猛獸胥避之

高鑑舉人官至花馬池叅議親歿廬墓用襟包土填塚三年塚高如邱

張四月兒廣昌人父樂與伯爭地構訟將盟諸神泣曰爭地事小傷生事大有如誓靈伯與父一也吾誰依乎是時兒方十歲伯與父感其言怨遂釋

紀熊事母李出告反面以孝聞母卒哀毀骨立三年無喜容妻薛亦有孝行熊後官雲石堡撫守

胡登應州貢生官鎮江經歷父世嚴羈塞外登具狀總督請得兵衛出塞力捄父以歸又崇禎間與劉大順董則成捐金給夫守城人多其義年八十卒

李夔懷仁人家貧親老以貢任潼關訓導少得束修卽乞歸養親卒廬墓避寇入城曰某不敢以父母遺軀恣賊毒手也寇退復廬墓終喪子某官叅議

李若葵大同廩生崇禎十七年闖變與兄象葵弟諸生心葵侄柱周衣冠拜畢題壁曰一門完節偕婦女五口俱縊死郭璘性孝闖賊勒餉代父受刑父名大貴官鄆縣丞多義行鄉里稱爲善人父歿廬墓茹素三年不內處

朝

一蘓廣靈縣人性醇謹與弟一歐事父諸生廷和以孝著

順治元年闖寇敗歸所過剽掠至南和縛廷和去二人奔赴賊營各祈以身代賊挺刃交下一歐血肉立糜爛一蘇亦垂斃氣息裁支綴猶祈免其父不少止賊黨有義之者因釋其父後賊退一蘇復甦知父獲免喜曰吾雖死無憾而不能不痛弟之死於劇賊之久之漸起事其父以壽終當時謂二人生死殊途純孝一舉

于懷漢懷仁人事母孝得旌表又多義行撫孤姪設義學贖人口周貧乏樂善不倦康熙甲辰蠲賑千石全活甚衆副使曹溶長歌以美其事大司寇魏象樞和之子應心亦有父風

王逢泰大同縣人拔貢生世讀書以惇義聞幼時父之雲携其兄出游獨與母楊居姜瓖之變母死於井逢泰泣血籲

母訖徒步數千里訪父兄倏遇父金陵父言汝兄奄逝逢
泰聲淚胥咽尋奉父歸里父年八十餘以壽卒逢泰詣墓
下輒攀栢哀號不能止沒齒不衰太守葉著孝子傳以風
焉

武嵩齡大同前衛人幼孤隨兄奉母遷畿南年十五母卒扶
輿歸葬遍覽父塋不得號泣數日掘地見棺遂以合葬又
多義行修學宮周貧乏官天津守備祀鄉賢樊榮天性孝
友父棄一孕妾生子于外父歿收養至成立人亟稱之施
藥施糶修橋焚券好善不倦云

陳嘉猷渾源州人恩貢生性嗜義不苟取與一日道中拾遺
金二百八十兩坐以俟之旋見有緣道來者鬱鬱不自得
嘉猷不言復堅坐少頃見其人嘆息淚下因亟問君何苦

其人爲言失金狀數適符則亟慰之曰無憂金故在君速持歸遽付之其人媿謝固請姓名嘉猷一笑而去後所司以事上之府府給扁旌焉

蘭朝海廣靈人以孝稱又嘗拾還遺金

吳之琳陽高人諸生以孝友旌門姪振宗早夭母老子幼琳爲經紀其家二十年無間言又有徐某寄金百兩徐死而子不知也如數還之又嘗拾還遺金人稱其義

曹更新陽高人七世同居有江州陳氏遺風士論多之

朔平府

隋

皮宿達景和少子開皇中通事舍人母憂起復將赴京辭靈慟哭而絕久而復蘇不能下食三日卒

明

吳順朔州人父病閉結藥不能通泣而舐之又病瘦嘗其糞苦喜曰是固無恙亦以醫治得愈父思雉羹遽索不得忽雉飛墮其家作羹以進父卒時順年已七十矣哀毀廬墓終制正統間詔旌九十賜爵一級壽百餘歲而歿又有孫文官訓導廬墓六年

馬璠右衛指揮舍人性至孝父祿行商蘇州歿旅邸璠欲取父屍母以年幼不許璠曰父死不葬何以自立於天地間遂自縊繩斷聞人語曰汝自去可保無虞遂與兄璋負父屍還葬終身養母不懈

陳宗堯左衛人嘉靖丁巳年父定被掠閱八月定死宗堯潛往代屍還葬撫按上其事賜賞賚以旌之

孫文朔州生員以廬墓稱孝父卒廬墓三年母亦如之有司以聞旌表

覃師孔苑馬寺卿父應元令歷城師孔隨任早作夜眠以慰父勞父疾籲天求代卒後事母色養備至以孝稱

國朝

郭建村有孝行時有葉成才者違法論斬建父鳳林伯鳳山連坐當死建曰父生我身愿以身代遂斬鳳山子安亦乞代父監者謂山年老子不許時咸以爲難

牛射斗平魯人勇悍而慈厚好施人多德之初銓守備累擢任康熙五十六年爲貴州威寧鎮總兵卒於官

盧時泰字靖寰朔州人雅好樓居而樓臨大道故貿易地也

旦起必讀書其上有閭姓携五十金來易米未及授金